

MOTU AKAU



Apenisa Leano

MOTU AKAU



na tuhia e
Apenisa Leano

na fakaliliu e
Pio Tuia

na tuhia na ata e
Elspeth Alix Batt

Matāeke o Akoakoga

Na lolomi i te 2018 e te Matāeke o Akoakoga a Tokelau
Puha Meli 3298
Apia
Samoa
www.tokelau.org.nz

Ko te lolomiga tenei o te 2018 na fakatupe mai i te fehoahoani a te Australian Government,
Department of Foreign Affairs and Trade (DFAT).

Ko na aiā uma ki te tala ma na ata e puipuia © e te Matāeke o Akoakoga a Tokelau 2018

Ko na aiā uma e puipuia.
Fakafehokotaki te lomi tuhi mo ho he fakamatalaga e fia maua.

Tautuaga mo na galuega fakahalalau e maua mai i te: Lift Education E Tū
www.lifteducation.com

Ko te kaufaigaluega hiaki ko: Hatesa Kirifi ma Don Long
Ko te tino na teuteua te tuhi ko: Bolster Design

ISBN 978 982 9177 48 3 (lolomi)
ISBN 978 982 9177 81 0 (initaneti)
Numela o te tuhi 17748

Ko he **motu akau** ko he lauakau takamilo,
e fatu ai he **liko motumotu** o he kauafua
ma he namo i lototonu.



- akau
- motu
- namo

1 Ko he motu akau e kamata mai
i he mauga mu i lalo o te tai.
Kae ko te pāga na gogolo mai ai te lava
kua makeketu i te kua pa ki ei o te huatai.

I te fano o taimi ma teka atu ai te mau pāpā,
ko te **fakatuhepona** kua tuputupu pea
ke pa lava ona puna ake i luga o te tai.



2 Ko te fakatukepona nei
kua kavea ma fenua e hiko i te kauone.
Ko te lava makeketu i lalo o te tai
kua kavea ma kāiga ki te akau
ma ietahi meaola.



3 I te olaola ake o te lauakau ki luga,
kua fau mai ai he liko akau takamilo i te kauafua.
Ko te lauakau e tutupu mai i te matafaga.
Ko te itukaiga akau takalahi lava ia.

E fanofano lava la te taimi
ko te fenua e goto,
kae tumau lava te akau,
ma e fakaauau pea tona olaola ki luga.





Ko te lauakau e vavae nei mai te kauafua
i he fuhi lauefa o he namo.

Ko te motu kua goto ifo lava kae,
nei kua tanu katoa.

Ko te lauakau e tuputupu pea lava.

Kua mamate nei ma ona auivi kua kavea
ma oneone ma kilikili.



Ko he liko akau nei kua hiko i he namo.

Kua kavea ma motu akau.


Ko te avanoa i te liko

kua fakaavanoa ai te moana hauhau ke tafe

ki loto ma fafo o te namo.



E iei na akau e mafai ona olaola mai
i loto o te namo e takua ni **tokatoka**.
Ko na akau ienei e ola i na vaega
mafanafana papaku o te namo o na motu akau,
e fai ma fale e te lahiga o na meaola tai.



Fakauigaga o na kupu

fakatupepona - tamā mauga i lalo o te moana

liko motumotu - ni tamā fenua e tutū fakatakamilo

motu akau - ko ni fenua e fau mai ina akau

tokatoka - ko na tamā akau ko hēki taitai ke
puna ake ki luga



MATĀEKE O AKOAKOGA A TOKELAU

